

八旗通志卷之一百六十一



名臣列傳

卷三十一

鑲白旗滿世職大臣三

八旗通志初集卷之一百六十一

名臣列傳二十一

鑲白旗滿洲世職大臣三

喀爾塔喇 子赫特赫 弟之子赫虎 赫虎  
子奇番 族子達爾丹

鄔庫禮 父馬爾圖 董阿賴

鄂穆克圖 父多爾 興鼐 族孫喀爾奇

黨愛 索渾

孫達禮巴圖魯 吳巴海

達克沙哈 族人拜都哈 拜都哈兄之子海  
喇布



覺羅郭科

艾松古

子訥青 伯父納穆泰 吳濟赫 納

葛思特

父赫勒 孫濟哈里 族寶邑 父博里 族人阿

張庫

父多格梭里 張山 族人張山 張山子吳

禧福

塔爾代 子花邑

額司泰

馬奇

喀爾塔喇滿洲鑲白旗人姓張佳氏世居蜚雅  
朗阿地方其父圖爾渾歡詹於

太祖高皇帝時率子五人及百餘戶來歸即以其所攜

丁壯編一牛录使統之喀爾塔喇圖爾渾歡詹

第四子也父沒襲管牛录尋陞擺牙喇甲喇章

京崇德三年隨豫親王多鐸征明將入邊同翁

克於邊外截敵兵道路生擒六人入邊日同俄

羅塞臣擊明馬總兵敗之又同俄羅塞臣敗明

渾河步兵師還出邊又擊敗山上駐札敵兵順

治元年四月隨睿王多爾袞入山海關擊流賊  
馬兵又同肅章京阿爾津追及流賊後隊掩殺  
之五月隨固山額真覺羅巴哈納等往平山西  
至河南懷慶府路遇賊兵擊敗之追至黃河又  
同覺羅巴哈納統兵至榆林擊敗黃河渡口馬  
步賊兵流賊南遁隨肅章京熬拜巴圖魯攻取  
承天府又同葉什席特庫率舟師追賊獲賊船  
六十隻三年敕功授半箇前程五年從征南大  
將軍譚泰征江西叛鎮金聲桓至童子渡遇偽  
洪總兵據水為陣即同法爾納奮擊敗之又同  
穆里瑪敗對岸駐札賊兵至饒州府同巴朗吳  
孫擊偽副將三人敗其衆三千餘進薄南昌城  
下豎雲梯攻克之分守南昌府東江遇偽總兵  
督運米船二百隻同吳班擊敗之又同吳班焚  
燬南昌附近賊船七百餘隻獲船三隻以歸又  
遇二偽總兵督運糧船四百餘隻即同吳班與  
戰敗之進攻饒州府不藉雲梯指揮兵丁奮登  
遂克其城七年遇



恩詔加授世職為拜他喇布勒哈番是年並敘從前勞績由拜他喇布勒哈番加一拖沙喇哈番九年遇

恩詔二次加至一等阿達哈哈番尋任燾章京十年從征湖南至衡州府奮勇擊賊歿於陣十二年六月加贈三等阿思哈尼哈番

賜祭葬謚忠壯立碑墓道以表其功子四人長赫勒布次赫申次赫特赫次格爾德赫勒布官至副都統以軍功自立一拖沙喇哈番於康熙二十一年

年以征廣西在騰縣失利革去世職赫特赫初襲父三等阿思哈尼哈番順治十六年從征福建海賊率本甲喇兵與偽提督總兵等水戰凡六敗之進攻廈門奮勇前進遂歿於陣贈一拜他喇布勒哈番與其兄赫申承襲其原襲之三等阿思哈尼哈番以其弟格爾德襲赫虎者喀爾塔喇弟稽野哈之長子也初任一等轄順治十六年從征福建海賊攻廈門力戰歿於陣贈拖沙喇哈番以其子奇留襲康熙十七年奇留

從征逆藩吳三桂至廣東韶州府蓮花山擊偽帥馬寶等被傷歿於軍加贈世職為拜他喇布勒哈番有達爾丹者喀爾塔喇族子也其父達代崇德六年以轄員從征錦州松山陣亡達爾丹初任壯尼大順治初年從征湖廣擊偽帥孫可望馬步兵敗之康熙二年從征湖廣山賊攻茅麓山有長樂嶺賊兵三千來犯率本旗前鋒兵奮擊敗之又屢敗賊首李來亨兵以功授拖沙喇哈番三十六年卒子趙思海襲職又有族

子名納穆特者初亦以軍功授一拖沙喇哈番尋以疾不能騎射遇軍政革職不准承襲

鄔庫禮滿洲鑲白旗人姓札庫塔氏世居和格通邑地方父曰馬爾圖

太祖高皇帝時來歸授備禦世職天命六年從大兵征明圍錦州歿於陣鄔庫禮襲父職年十六即効力戎行

太宗文皇帝甚嘉之命管甲喇章京事崇德三年隨揚威大將軍貝勒岳託征明擊明太監馮永忠兵

敗之又擊敗明侯總兵進取濟陽縣不藉雲梯  
攻克其城師還出邊時同梅勒章京薩穆什喀  
殿後擊太平寨兵以步戰敗敵七年圍錦州擊  
敗松山步兵又擊松山北山嶺駐札馬步兵三  
戰皆敗之順治元年隨睿王多爾袞入山海關  
擊敗流賊隨英親王阿濟格追流賊至慶都縣  
破之又同譚泰追擊流賊步卒斬殺甚衆是年  
同固山額真葉臣往平山西取太原府環視攻  
城之處城內兵出犯擊敗之賊又率衆出城逆

戰同沙壁圖翁蓋擊敗之十月隨英親王阿濟  
格征流賊同布格沙至池州府往偵賊黃斐兵  
獲戰船十二隻以歸論功由牛录章京世職加  
半箇前程三年隨靖遠大將軍肅親王豪格征  
四川擊流賊高汝礪馬兵敗之又擊敗賊渠八  
大王張獻忠馬步兵賊遁鄔庫禮往追遇賊兵  
又擊敗之師還賊犯我後軍回擊却之五年從  
征山西大同叛鎮姜瓖圍寧武關偽劉參將引  
馬步兵千餘來援率三固山擺牙喇兵擊敗之



偽巡撫姜輝偽總兵劉維思率馬步兵三千來  
犯兩白旗及正藍旗營並往協擊敗其衆又同  
阿思哈尼哈番朱瑪喇愛惜喇庫哈番古爾畢  
圖敗賊於山巔進至偏關西河營沈漆浦同擺  
牙喇章京胡介鄂密達擊偽叅將等援兵兩戰  
皆克又於山坡擊敗賊馬兵六百人獲馬騾七  
十餘匹寧武關兵來犯我軍即率滿洲蒙古兩  
固山兵衝入却之進趨左衛有賊兵萬餘設立  
二營列陣相拒鄔庫禮破其一營至左衛用紅

衣礮攻其城有賊兵千餘迎拒同章京圖哈圖  
擊敗之又同愛惜喇庫哈番尼堪敗賊七百餘  
七年九年三遇

恩詔加世職至一等阿達哈哈番旋從固山額真金礪

侍郎額黑里等往征福建有偽賀總兵者率衆  
千餘毀橋斷路列火器拒戰鄔庫禮指揮士卒  
擊敗其衆又於海岸以步戰敗賊三千餘至海  
澄縣用紅衣礮攻其城賊渠鄭成功率衆十萬  
來奪我礮隨金礪等奮擊連敗之計下二縣一百



五十三寨降二總兵一副將甲士七千餘人並  
在行間有功由一等阿達哈哈番加一拖沙喇  
哈番尋陞大理寺卿十二年上疏言五事一滿  
兵之苦累宜卹一流民之生計宜講一綠旗死  
事官兵妻子宜養一江海之邊防宜備一蒙古  
之貿易宜均奉

旨下所司十三年擢漕運總督時淮安連二年大旱守  
土吏祈雨而雨不至卹庫禮乃率屬官致齋三  
日步出城詣雨壇焚香跪禱禱未畢而大雨沛  
然四郊霑足返署地方老穉執香跪道左稽顙  
稱異三年秩滿還

京

世祖章皇帝知其為人忠廉特授奉天將軍賜鞍馬一  
匹康熙元年奏言奉天係發祥重地兵丁甚窮  
差事甚多宜照

京師兵丁例當差疏入

詔從所請四年以疾卒於任喪還之日軍民泣送至山

聖祖仁皇帝遣大臣往祭賜白金五百兩俾修墳墓以  
其世職令二子分襲佛保襲一拜他喇布勒哈  
番兼一拖沙喇哈番鄂莫克圖襲三等阿達哈  
哈番後歷任副都統

董阿賴滿洲鑲白旗人姓蒙郭氏初任擺牙喇  
章京天聰二年往畧明錦州地方錦州兵出城  
迎戰董阿賴衝入敵人步軍營敗之崇德三年  
隨揚威大將軍貝勒岳託證明擊吳總兵馬步  
兵步戰敗之六年圍錦州率本固山兵設伏連

次擊塔山兵俱破之敵兵據松山北山又率本  
甲喇兵擊敗其衆掘壕圍松山城城內敵兵遁  
走董阿賴率兵追擊斬之敵兵夜犯鑲黃旗汛  
地復擊敗之直追過城壕而還八年隨鄭親王  
濟爾哈朗等證明寧遠有城內兵出戰董阿賴  
率擺牙喇兵四十人擊走之尋征薩哈連吳喇  
圍博和理城攻擊四日而降又同阿爾津哈寧  
阿招服大噶爾達蘇小噶爾達蘇二邨人進圍  
綽庫禪能吉爾二邨擒獲叛黨丁壯百人是年

從攻前屯衛城克之又同燾章京阿濟格尼堪  
等往圍中前所夜攻克其門論功授半箇前程  
順治元年隨睿王多爾袞入山海關破流賊二  
年二月議敘加授牛录章京世職兼半箇前程  
十二月隨貝勒克德渾等征湖廣擊破賊首  
一隻虎馬步兵於荊州府三年駐防杭州府遣  
章京等率兵擊敗孝豐縣東栢山賊四千餘尋  
陞梅勒章京四年十一月奉

命督右翼兵同侍郎陳泰左翼兵往征福建遣章京率

兵往擊偽帥曹大同步兵三千敗之賊以步兵  
五百出建寧府教場迎戰又同陳泰督戰敗之  
至建寧府敗偽帥傅國用等步兵一千六百又  
敗賊三千於漳口賊首張堯呈以步兵四千迎  
戰同陳泰及總督李率泰擊敗之又同陳泰李  
率泰等以紅衣礮攻克建寧府同安縣四梅所  
平和縣關廂同陳泰議遣綠旗兵攻克十三縣  
招服一州七縣七年遇

恩詔加世職為三等阿達哈哈番世襲罔替尋敘從前



軍功加授為一等阿達哈哈番弟阿津泰亦累官至副都統康熙十八年緣事革

鄂穆克圖滿洲鑲白旗人姓瓜爾佳氏世居吳喇地方父多鼐於

太祖高皇帝時率衆來歸以其衆編為牛录即以多鼐管牛录章京事己亥年隨大兵征哈達奮勇擊敵被創賞銀四十兩尋以任事有能授世職為三等遊擊天命十一年擢置十六大臣之列天聰六年卒鄂穆克圖襲父世職仍任牛录章京

隨大兵出征朝鮮喀爾喀大同等處並在行間有功又從征寧遠及圍困義州俱以力戰被創攻保安奮勇先登積功加世職為一等甲喇章京兼牛箇前程八年授蒙古固山額真緣事革職仍管牛录章京事崇德三年擢禮部叅政六年復授蒙古固山額真順治五年緣事革職籍沒家產八年事白復還家產以其孫鄂和德襲管牛录

興鼐滿洲鑲白旗人姓納蘭氏世居哈達地方

父蘇巴海於

太祖高皇帝時來歸會創立牛录授蘇巴海為牛录章  
京仕至都察院叅政興鼐初任部院理事官天  
聰八年五月以辦事有能不違指授授牛录章  
京世職崇德元年從征明北京攻順義縣率本  
甲喇兵克其城敘功加半箇前程三年任工部  
叅政考績授三等甲喇章京世職順治元年十  
月從英親王阿濟格征流賊遇延安府賊兵截  
殺之二年同布格沙追賊至池州府獲偽帥黃

斐船十二隻斬二百人復追流賊至九江富池  
口奪取其船賊等於河岸布列馬兵相拒興鼐  
同哈寧阿希爾根擊敗之三年隨揚威大將軍  
豫親王多鐸追騰機思擊敗土謝圖汗及碩羅  
汗兵四年三月議敘加世職為二等甲喇章京  
是年六月以任工部監造勤勞加世職為一等  
甲喇章京七年九年三遇

恩詔加至二等阿思哈尼哈番世襲罔替緣事革世職  
十八年事白復授一等阿達哈哈番兼一拖沙

喇哈番世襲罔替康熙三年九月卒於官興鼐族孫喀爾奇初以護軍校從征湖廣順治十六年隨將軍明安達里自荊州府往援江寧至荻港遇海賊偽陳副將乘船來戰喀爾奇隨將軍率水師擊敗之偽都督楊文英列戰艦六百餘艘於海上拒敵復擊敗之康熙十三年逆藩吳三桂耿精忠反喀爾奇從定南將軍希爾根往征至江西圍撫州府十四年三月偽都督楊益茂列陣於七里岡隨前鋒統領覺羅舒恕敗之

五月賊首邵連登據建昌府長興地方隨安親王岳樂擊破之十五年二月隨安親王岳樂破吳逆偽將軍夏國相李良棟等於萍鄉又從擊偽總兵謝先勝等於瀏陽縣北山十七年隨貝子章泰破吳逆偽將軍吳國貴於武崗州雙井舖並有功二十五年議敘授拖沙喇哈番又有馬奇者亦興鼐族孫仕至鎮安將軍鎮守雲南自有傳

黨愛興鼐弟之子也初任壯尼夫康熙十九年



陞六品典儀是年隨征南大將軍賴塔征雲南破偽將軍何繼祖等於石門坎黃草壩乘勝進抵雲南省城隨三路官兵擊偽將軍胡國秉等大破之論功授拜他喇布勒哈番尋由典儀陞護軍叅領兼世襲佐領歷陞至蒙古副都統三十四年調右衛副都統時厄魯特噶爾丹叛窺伺歸化城黨愛率右衛兵固守敵不敢進又隨撫遠大將軍伯費揚古統兵由西路進勦鼓勵將士擊敗賊衆以功由拜他喇布勒哈番加一

拖沙喇哈番再准襲三次病卒

索渾滿洲鑲白旗人姓瓜爾佳氏世居吳喇地方初任牛录章京崇德五年隨睿親王多爾袞征明錦州同昂邦章京席特庫奮勇力戰斬錦州明兵二十人獲馬六十四匹六年復圍錦州城中兵突出索渾率所統噶布什賢兵擊敗之七年

太宗文皇帝親征明錦州索渾同噶布什賢章京八員連敗明馬步兵於松山殺二十九人次日於松

山遇明經畧洪承疇兵又同噶布什賢章京八員率師擊敗之殺三十七人獲馬十六匹又於杏山擊敗敵衆隨大兵追殺四百餘人獲馬二百四十二匹燾六杆明松山馬兵乘夜突出索渾同噶布什賢章京等追至海岸擊殺甚衆旋遇明杏山馬兵復同布爾孫席特庫等追殺一百四十九人有降明之蒙古步兵十六人立寨山巔索渾同胡禮布徒步追斬之八年隨鄭親王濟爾哈朗征明寧遠有馬兵千餘犯我前哨

索渾同噶布什賢章京八員追斬三十人薩胡舒之騎兵五十人犯我兵牧馬處索渾同噶布什賢章京八員敗之並敗其後至兵四百人生擒二人斬一人以功授半箇前程是年復隨貝勒阿巴泰征明遇范軍門兵同色黑傅哈等連擊敗之又同固山額真吳賴率噶布什賢兵十人擊敗明三河馬步兵旋有總兵三員率兵迎戰索渾隨固山額真覺羅巴哈納擊敗之又有吳總兵拒戰率噶布什賢兵擊敗其衆順治元

年隨睿王多爾袞進山海關流賊偽總兵唐通  
迎戰於一片石同噶喇昂邦席特庫擊敗之又  
同固山額真譚秦追殺流賊擒八人斬七十人  
以功授牛录章京世職兼半箇前程七年九年  
三遇

恩詔加至一等阿達哈哈番累官至護軍統領兼吏部  
侍郎十六年擢滿洲固山額真康熙元年以同  
內大臣達素征福建獲罪革職  
孫達禮巴圖魯滿洲鑲白旗人姓魯布里氏世

居瓦爾吉城崇德三年隨奉命大將軍睿親王  
多爾袞征明山東用雲梯攻濟南府奮勇先登  
克其城因

賜名巴圖魯授一等甲喇章京世職順治七年九年三  
遇

恩詔加至二等阿思哈尼哈番尋擢正黃旗護軍統領  
康熙二年流賊餘孽郝搖旗劉體純李來亨等  
竄伏鄖陽襄陽山中猖獗梗化奉

命同靖西將軍穆里瑪定西將軍圖海等統兵前往征



勦三年奏捷郝搖旗劉汝魁俱授首李來亨自  
縊死楚寇平十二年五月以奉職有年克著勞  
績加太子少傅十四年卒

賜祭葬立碑如典禮謚果壯

吳巴海滿洲鑲白旗人姓他塔拉氏世居札庫  
木地方初管牛叅事從征瓦爾喀獲丁壯七十  
二人崇德五年從圍錦州擊敗松山杏山馬步  
兵順治元年隨睿王多爾袞入山海關以署梅  
勒章京率師擊賊師還獨殿後論功授牛叅章

京世職十月隨定國大將軍豫親王多鐸南征  
至潼關同恩格圖擊流賊李自成馬兵敗之賊  
帥復引兵來奪我紅衣礮同吳爾哲擊却之又  
同李率秦招撫一府三州十二縣二年進至江  
南吳巴海同李率秦駐防蘇州府有偽總兵黃  
斐作亂民苦其虐奔入城內者萬餘人吳巴海  
與賊拒戰敗賊二十三次城以不失三年論功  
由牛叅章京世職加半箇前程七年九年三遇  
恩詔加至一等阿達哈哈番歷陞步軍總尉病卒以孫

喜福襲其世職康熙十三年喜福從征逆藩吳  
三桂至江西擊賊黃豪兵於鄱陽湖官塘敗其  
衆距康山三十里復有賊兵來犯奮擊破之又  
與賊戰於筲州湖饒州湖岔口連敗賊衆至新  
口費園奮擊賊兵歿於陣二十五年議卹由一  
等阿達哈哈番加一拖沙喇哈番龍山吳巴海  
子初任副理事官順治三年隨揚威大將軍豫  
親王多鐸征騰機思破土謝圖汗碩雷汗兵五  
年隨征南大將軍固山額真譚泰討江西叛鎮  
金聲桓其黨王得仁乘船來拒龍山引水師擊  
敗之至南昌府賊步卒來犯正藍旗壕塹同梅  
勒章京朱瑪喇擊敗之賊復率馬步兵犯我正  
紅旗汛地同委署甲喇章京和爾多擊敗之九  
年遇

恩詔二次加授拜他喇布勒哈番十一年隨靖南將軍  
朱瑪喇征廣東破偽安西王李定國於新會縣  
東山十三年敘功加授世職為三等阿達哈哈  
番十四年緣事革一拖沙喇哈番留拜他喇布



勒哈番兼一拖沙喇哈番十五年仍授三等阿  
達哈哈番康熙六年緣事降拜他喇布勒哈番  
兼一拖沙喇哈番八年事白復授三等阿達哈  
哈番恰塔亦吳巴海子康熙十八年由護軍叅  
領陞正藍旗蒙古副都統二十一年緣事革龍  
山子吳爾泰初襲父三等阿達哈哈番尋任寶  
坻縣駐防協領康熙六十一年亦陞至正藍旗  
蒙古副都統  
達克沙哈滿洲鑲白旗人姓薩密喇氏世居黑

龍江圖拉邨初以擺牙喇隨征朝鮮錦州松山  
北京等處俱有功尋陞噶布什賢轄順治六年  
從征大同叛鎮姜瓖攻渾源州由紅衣礮擊破  
處以第三人登城克之十三年隨征貴州聞賊  
首祁三省據雞公背隘口達克沙哈統兵往勦  
至安莊衛遇賊偽劉將軍馬步兵逆戰大破之  
追至響水河橋斬偽劉將軍十五年進征雲南  
偽鞏昌王白文選於宗陵衛駐兵二萬率本旗  
噶布什賢兵進擊敗之向永昌進發遇賊一總



兵四副將在蒲棚拒戰又率本旗噶布什賢兵  
擊敗之生擒十一人至玉龍關追擊偽鞏昌王  
白文選馬步兵敗賊三千餘偽晉王李定國率  
兵六千伏於磨盤山犯我後軍達克沙哈隨噶  
喇昂邦白爾黑圖等破之斬偽太陽伯實明望  
世祖章皇帝嘉其績賞蟒緞皮襖一領馬八匹弓一張  
銀百兩康熙元年隨定西將軍公愛星阿入緬  
甸至阿娃城獲偽桂王並有功從優授世職為  
拜他喇布勒哈番十年陞護軍叅領未幾調前

鋒叅領十四年從撫遠大將軍信郡王鄂札征  
察哈爾布爾尼至大魯連破其衆論功由拜他  
喇布勒哈番加授為三等阿達哈哈番十九年  
陞本旗蒙古副都統二十二年調滿洲副都統  
尋以年老致仕三十四年卒

賜祭葬如典禮拜都哈達克沙哈族人崇德八年隨奉  
命大將軍貝勒阿巴泰征明用雲梯攻商河縣  
先衆登城克之授半箇前程七年遇

恩詔加授拜他喇布勒哈番病卒以兄之子海喇布襲

職九年遇

恩詔二次加至三等阿達哈哈番十年從征偽桂王至湖南敗偽帥孫可望馬步兵於岔路口十一年從寧海大將軍固山額真宜爾德征浙江舟山戰歿卹贈二等阿達哈哈番

覺羅郭科滿洲鑲白旗人初管擺牙喇甲喇事隨英親王阿濟格駐劄閣超遇寧遠兵來犯隨噶喇昂那努山擊敗之前行巡哨遇敵兵六百復敗之進破沙河所隨噶喇昂那努山前往遮

嶺口擊敗明守備馬步兵順治元年隨睿王多爾袞入山海關破流賊追至慶都縣旋隨靖遠大將軍英親王阿濟格破流寇至延安府賊兵逆戰同多莫克圖擊敗之賊復來犯正白正黃兩旗汛地連次擊敗之又同胡沙胡里布屢敗賊兵三年隨靖遠大將軍肅親王豪格征四川擊敗賊衆又擊賊渠八大王張獻忠兵屢戰皆捷隨往偵探遇賊馬步兵橫截拒戰擊敗其衆五年隨定遠大將軍鄭親王濟爾哈朗征湖廣



敗賊於湘潭縣前之山坡至衡州府與鄂克敗賊於石橋草橋又敗賊胡一清進至大宗橋擊敗賊周金湯又敗偽方總兵偽熊總兵等賊胡一清復率眾列陣於莊橋拒戰大破之敗其兵六千賊渠王進財趙連遣偽總兵三人來拒俱以前鋒兵敗之八年敘功授為拖沙喇哈番九年遇

恩詔二次加至拜他喇布勒哈番兼一拖沙喇哈番歷陞至工部尚書十五年以修

### 上帝壇

奉先殿在工督催辦事小心加授二等阿達哈哈番十年八年病卒緣事追降世職為拖沙喇哈番以其子薩爾布襲康熙七年

聖祖仁皇帝念郭科處分過重復給拜他喇布勒哈番以其子薩爾布襲拜他喇布勒哈番兼一拖沙喇哈番世襲罔替如前

艾松古滿洲鑲白旗人姓納蘭氏世居葉赫地方初為副理事官順治元年六月從征山西用



紅衣礮攻太原府城內兵遁出艾松古率蒙古  
兵斬殺甚衆隨固山額真覺羅巴哈納率蒙古  
土默特兵前進敗偽將官馬姓者賊兵三百餘  
人追至黃河岸併其駐札步兵千餘俱擊敗之  
又追流賊至延安府敗其遁出之兵十月隨定  
國大將軍豫親王多鐸南征至潼關擊敗流賊  
第二營兵三年豫親王多鐸以揚威大將軍往  
追騰機思艾松古亦從行與科爾沁兩郡王札  
薩克貝子侍郎尼堪率二千餘人同往艾松古

率蒙古兵三百為前隊追及騰機思獲其眷屬  
牲畜奪回格格又同袞出格徹臣莽嘉擊敗土  
謝圖汗兵四年三月以任理藩院事効力有年  
授半箇前程出防守太原府時涇陽有賊帥李  
陽率馬步兵來犯艾松古率蒙古兵擊敗之調  
駐代州有賊首劉傳郎方豎梯三面來攻艾松  
古與戰獲雲梯九架殺賊三百餘人劉傳郎方  
復以三萬餘人圍代州艾松古率蒙古兵及綠  
旗兵擊敗其衆劉傳郎方掘代州城艾松古督

城內兵迎戰敗之殺賊四百餘人又遣章京率  
兵往沁州清源縣擊敗賊兵萬餘殺賊二千餘  
劉傳郎方復率馬步兵三萬來犯代州關廂人  
叛開門納之艾松古親督蒙古及綠旗兵擊敗  
賊眾守代州凡十二日卒保全城不失七年遇

恩詔加拜他喇布勒哈番世襲罔替尋敘功由拜他喇  
布勒哈番加一拖沙喇哈番八年任甲喇章京  
旋陞梅勒章京九年兩遇  
恩詔加世職至二等阿達哈哈番緣事降為拜他喇布

勒哈番兼一拖沙喇哈番世襲罔替十六年

世祖章皇帝念其勲勞許令原品致仕康熙十五年六

月卒

諭祭一次追封光祿大夫二十三年四月

賜銀五百兩立碑墓道紀其功焉子訥青初任三等轄  
順治十六年從征福建擊海寇鄭成功於廈門  
力戰歿於陣卹贈拖沙喇哈番納穆泰吳濟赫  
者艾松古之伯父也天聰九年隨薩穆什喀霸  
奇蘭往征薩哈連吳喇有功授牛錄章京世職



順治三年卒子色楞額襲七年九年三遇

恩詔加世職至二等阿達哈哈番納穆泰吳濟赫之孫  
有巴克塔者康熙十三年以主事隨經畧莫洛  
征逆藩吳三桂至陝西寧羗州會提督王輔臣  
叛隨莫洛與戰陣亡卹贈拖沙喇哈番以其子  
噶薩禮襲

葛思特滿洲鑲白旗人姓瓜爾佳氏世居瓦爾  
喀地方父赫勒於

太祖高皇帝丁未年同叔祖瓦珠率宗族一百七十人

來歸以其人編為牛录授瓦珠為牛录章京赫  
勒為代子統其眾崇德三年赫勒從征明以雲  
梯攻獻縣登其城破之六年襲管牛录章京事  
八年隨奉命大將軍貝勒阿巴泰征明至渾河  
岸遇明馬步兵來拒同固山額真富拉克塔擊  
敗之又率本甲喇兵敗明三總兵又同固山額  
真覺羅巴哈納敗明吳總兵順治元年隨定國  
大將軍豫親王多鐸南征平定河南江南並有  
功攻潼關時連擊流賊第一營第二營步兵俱



敗之賊遁同阿爾津敦拜往迹之值餘寇三百  
餘人盡殲其衆二年隨征南大將軍貝勒博洛  
率兵征浙江至嘉興城外遇敵人步兵同固山  
額真宗室公拜尹圖擊敗之四年議敘授半箇  
前程七年九年三遇

恩詔加至三等阿達哈哈番世襲固替病卒以長子葛  
參襲其世職葛思特其次子也初任一等護衛  
緣事降四級未補任順治十一年

詔諸大臣公舉出征人員東四旗大臣舉葛思特遂授

前鋒侍衛隨寧海大將軍宜爾德征浙江舟山  
偽英毅伯阮思領百餘船排列海面葛思特率  
本旗兵擊敗之偽總制陳六御偽英毅伯阮思  
等率三萬餘賊乘船二百餘來犯復擊敗之康  
熙十三年逆藩吳三桂反官兵分路進剿葛思  
特隨都統馬奇由廣西進雲南破石門坎黃草  
壩直抵雲南城下平定逆孽吳世璠並在事有  
功事平議敘陞前鋒參領二十三年兼管佐領  
二十九年厄魯特噶爾丹作亂

聖祖仁皇帝命裕親王福全為撫遠大將軍統兵往征  
葛思特從征時有

旨賜從征護軍叅領等馬各一匹而前鋒叅領未與葛  
思特獨奏懇願得良馬効力

詔自往土駟院選擇得白鼻馬一匹或言此馬誠駿然  
白鼻妨主恐不宜用葛思特言吾方欲効命疆  
場止取其駿餘非所忌也八月與賊戰於烏闌  
布通右翼叅贊內大臣佟國綱戰歿葛思特奮  
勇殺入賊陣再出而復入我左翼兵由山腰捲  
入大破賊兵而葛思特竟歿於陣後裕親王以  
其事奏

聞言與賊戰時親見一將騎白鼻馬者三入敵陣眾皆  
識之云是前鋒叅領葛思特其忠勇實為難得

聖祖嘉歎喪至京

特遣侍衛奠酒送葬又加贈副都統給與全葬明年吏

部議卹照常例議給拖沙喇哈番世職

聖祖特諭葛思特効力年久勞績顯著著從優授為拜  
他喇布勒哈番以其子甘珠漢承襲葛思特族孫有



濟哈里者初任前鋒侍衛雍正七年隨公傅爾丹征準噶爾九年六月在和通胡爾哈奮勇擊賊歿於陣卹贈拖沙喇哈番以其子吳云珠襲寶色葛思特族子也父博里初任驍騎校順治十一年隨靖南將軍葉赫朱瑪喇征廣東敗偽安西王李定國於新會縣之東山十五年從征貴州在十萬崎山擊偽總兵羅大順兩戰皆捷師旋至江寧府值海賊鄭成功破鎮江瓜州來犯江寧博里隨梅勒章京噶褚哈會同本地方官兵連敗其衆十七年敘功授拖沙喇哈番康熙二十五年卒寶色承襲父職二十七年授三等侍衛尋遷二等侍衛三十五年陞護軍叅領是年隨撫遠大將軍伯費揚古征勦厄魯特噶爾丹由西路進擊敗其衆論功加授拜他喇布勒哈番四十九年陞正白旗蒙古副都統明年調滿洲副都統五十九年進征拉藏有功六十年以疾乞休

聖祖仁皇帝特恩予告令仍食原俸雍正三年議敘安



藏功由拜他喇布勒哈番世職加一拖沙喇哈  
番寶色族人阿爾篤者崇德三年隨揚威大  
將軍貝勒岳託證明攻獻縣以第二人登城有  
功順治五年從征江西叛鎮金聲桓攻南昌府  
首先登城戰歿贈拜他喇布勒哈番以其子馬  
那襲又有穆立庫亦寶色族人雍正二年七月  
由叅領陞右衛副都統四年四月卒於官

張庫滿洲鑲白旗人姓瓜爾佳氏世居住穆瑚  
地方父多格梭里崇德三年從證明以雲梯攻

南皮縣先衆登城克之

賜號巴圖魯授牛录章京世職順治七年九年三遇

恩詔加至二等阿達哈哈番康熙九年張庫襲父世職  
十三年逆藩耿精忠反隨定南將軍希爾根往  
征至江西耿逆賊兵自建昌府來攻撫州府兩  
接戰俱以本甲喇兵隨將軍進戰敗之又擊偽  
都督楊益茂兵於七里岡坡斬殺甚衆進至長  
興山賊兵來拒率本甲喇兵迎擊大破之賊復  
犯我後營並擊敗之又至宜黃縣擊賊敗其衆

五千餘進至建昌戰於鐘鼓山賊渠李茂珠李復勝等皆望風披靡餘黨悉潰十九年從都統勒貝等由廣西征逆孽吳世璠偽將軍范齊韓詹仰統衆列陣於柳州之陶屯進擊敗之未幾從征南大將軍賴塔進征雲南擊偽將軍何繼祖王弘勳等於石門坎敗賊二次復敗之於黃草壩乘勝進抵雲南省城偽將軍胡國秉劉起龍黃明等引衆出城逆戰隨三路兵擊敗之又隨都統希佛等追偽將軍馬寶巴養元等戰於烏木山敗其兵萬計二十五年敘功加授為一等阿達哈哈番又一拖沙喇哈番三十七年陞副都統四十三年原品休致子海寶康熙甲戌科進士任翰林院檢討仍襲父世職張山者張庫族人也

國初率宗族來歸令管牛录事天命十年以不違指授所在稱職授備禦世職天聰二年從征錦州被劄口不能言八年加授三等甲喇章京世職尋以子查克丹得罪降世職為牛录章京越



數年口復能言自以年力未衰欲圖報効遂從  
大兵征明取錦州等處累立戰功順治七年九  
年三遇

恩詔加至二等阿達哈哈番任甲喇章京尋卒子吳爾  
佳圖襲順治十一年隨靖南將軍朱瑪喇征廣  
東同赫勒布連破偽安西王李定國兵於新會  
縣東山事平議敘加為一等阿達哈哈番張山  
兄之孫覺和託者初任佐領康熙十三年隨都  
統赫業征四川敗偽總兵石存禮於朝天關隘

口進至蟠龍山歿於陣卹贈拖沙喇哈番  
禧福滿洲鑲白旗人姓瓜爾佳氏世居蘇完地  
方

太宗文皇帝時任啟心郎順治初授工部理事官尋調  
甲喇章京九年遇

恩詔二次授拜他喇布勒哈番世職十五年監造  
上帝壇

奉先殿有勞由拜他喇布勒哈番加一拖沙喇哈番出  
守大同有賊兵來犯土默特濠汎同梅勒章京



阿喇善等往擊連敗之賊又犯正紅旗汛地率  
本旗兵往援大敗其衆十一年從征鄂爾多斯  
擊多爾濟及其弟西忒木營斬多爾濟盡殲其  
衆十八年隨定西將軍公愛星阿征雲南入緬  
國至阿娃城獲偽桂王俱在事有功加世職為  
三等阿達哈哈番仕至太僕寺正卿以年老致  
仕子喀住累官至副都統

塔爾代滿洲鑲白旗人姓博和里氏世居薩哈  
連吳喇地方初任噶布什賢轄康熙元年從定

西將軍公愛星阿由雲南入緬國至阿娃城獲  
偽桂王十三年從征逆藩吳三桂由陝西進兵  
隨前鋒統領穆占破賊於野狐嶺又敗偽葉總  
兵於陽平關至保寧府擊敗偽總兵鄭丕喙韓  
天福等自蟠龍山回至小梅嶺遇賊馬步兵橫  
路來截擊走之復敗賊兵於龍潭驛並在行間  
有功授拖沙喇哈番十五年從征叛鎮王輔臣  
敗偽總兵高定蔡元馬步兵於顯義關河岸往  
圍秦州城有賊自四川平涼來援併擊敗之又

屢敗王輔臣之子王繼正。是年八月，隨征南將軍穆占，征逆藩吳三桂，至湖廣，於永州府沅州攸縣等處皆破賊，有功。二十五年，從優議敘，授為拜他喇布勒哈番，兼一拖沙喇哈番。累官至都統，病卒。

賜祭葬如典禮，謚勇壯，立碑墓道。碑文稱其志切効忠，才堪克敵，當逆勢之方，張歷烽烟而盡瘁，奮其驍果，輔乃元戎，西靖蜀川，南平滇水，決機屢勝，伸拔幟之威，破陣爭先，奏折衝之績，云子花色。

康熙三十五年，以步軍校從征厄魯特、噶爾丹，由西路進，勦有功，授拖沙喇哈番。雍正元年，以病告退，子常保襲職。

額司泰，內國史院大學士，一等阿達哈哈番，額色黑之弟也。初任頭等侍衛事。

世祖章帝甚見信任。康熙三年，陞鑲白旗蒙古副都統。九年六月，陞鑲白旗護軍統領。十二年十二月，逆藩吳三桂作亂。

聖祖仁皇帝發兵征勦。



命順承郡王勒爾錦為寧南靖寇大將軍以額司泰參贊軍務將兵南行兵未發會侍衛阿爾賽自荊州還奏賊勢披猖沅州失守總兵官崔世祿被執澧辰路梗督臣蔡毓榮亦飛章入告

聖祖命額司泰於所領護軍內簡選馬肥者先率以南星夜進發十三年二月遂抵荊州

聖祖念常德長沙為三楚要地命移兵赴鎮授以機宜

諭之曰朕遙度兵勢似宜如此爾身在地方倘勢有難

行者當相機調度毋格於成命額司泰聞

命感激誓捐軀報効三月偽將軍劉之復陶繼智等率

賊萬餘駕七百餘艘直逼彝陵劄營於江之兩岸額司泰即趨赴彝陵按地相度總兵官徐治

都從行因語之曰賊夾江而陣計欲聯絡接應

也莫若出水師橫江而截之則陸路賊勢孤必自亂我以銳師擊其後一舉而破賊膽矣遂親

率滿漢官兵水陸布陣陣成而賊舟猝至我師礮鎗齊發轉戰十里賊敗遁陸路賊兵見水寇



聖祖大喜賜蟒服克食等物疾馳軍中優勞之越三月

敗果倉皇為獸散我師縱兵截殺大殪之疏入  
師次岳州界分水陸官兵為三隊自總統之七  
月十一日賊驍將吳應麒馬寶廖進忠柯鐸等  
率賊數萬拒戰額司泰統頭隊兵奮勇對敵自  
晨至暮殺過小河直搗賊營斬首萬餘獲旗幟  
甲械無算先是額司泰與貝勒察尼將軍尼雅  
翰等定議陸路兵當據險以扼其吭山岡為賊  
之門戶先令前鋒兵丁奪之賊必合眾來爭而

我出八旗兵分頭截殺更檄水師艤舟七里山  
下見貝勒軍中白旗舉即進攻七里橋使彼首  
尾不相顧賊不足破也至是陸路軍既破其大  
營水軍亦大捷一一如所言十五年三月賊悉  
甲空羣來戰於洞庭賊眾大呼曰彼修髯者額  
將軍耶一時礮熾矢鏃咸指其所向隨身親丁  
死者五人額司泰鎮定如常催兵前進時賊舟  
擺列湖面鐵鎖鈎連牢不可破獨奮不顧身奪  
船深入手殺數十人賊眾望風披靡舟陣始潰

我師乘勝追殺三十餘里。遂克取君山。捷音上聞。下部議敘。額司泰在行間。久練兵習藝之暇。博涉韜鈴。取由楚入滇山川要害。繪圖懸壁。間朝夕審玩。尋以積勞成疾。日飲水一二合。猶強起視事。至疾篤。無一語及家事。謂左右曰。大事指日定矣。我死可以。不恨。以十六年二月壬戌。歿於營。歿之日。兵民設位奠。哭聲徹郊野。其平日愛人能得其心。云。孫傅鼐累官至兵刑二部尚書。正藍旗滿洲都統。曾孫昌齡。雍正癸卯進士任。

翰林院侍講降編修

馬奇工部叅政一等阿達哈哈番兼一拖沙喇

哈番興鼐之族孫也。祖父皆早卒。馬奇弱冠充顯親王府護衛。以勤慎見稱。

聖祖仁皇帝特簡為長史。復擢護軍統領。尋陞鑲白旗滿洲都統。兼佐領事。康熙十二年冬。逆藩吳三桂反。日久餘蘖未靖。至十九年九月。馬奇奉

命統兵由廣西進。勒至柳州府。即招撫賊將王宗孝等。率三千餘人來降。二十年正月。隨征南大將軍。



賴塔進至西隆賴塔令率兵同都統勒貝希佛  
攻石門坎其山峻絕高入雲霄石徑屈曲中通  
一線賊將何繼祖等以兵二萬扼隘口馬奇令  
右都督劉延明率所部從徑入而身率滿漢官  
兵下馬步進板木石奮擊前後夾攻自午至酉  
大破之生擒賊將校兵卒二百餘人奪其燾翌  
日復率兵戰於安籠所破之板其城賊眾皆降  
進至雲南曲靖府偽將軍詹養等率眾二萬守  
黃草壩其地<sup>方</sup>乃賊咽喉馬奇隨賴塔敗其眾克

黃草壩以重兵守之越數日賊眾忽出犯復大  
破之追至其營連破賊營二十二座擒其將王  
友恭景陽等進克馬龍州易龍所復楊林城遂  
連奪交水板橋諸處直至雲南與貴州官兵會  
合屯歸化寺時我營未定賊以數萬兵出城來  
戰氣銳甚馬奇同諸將直前搏戰自卯至午斬  
偽將軍胡國柄等十二人生擒將校兵卒二百  
九十人進圍其城依黃土岡結營城上礮石如  
雨因移營銀錠山憑高視下向城內連發火礮



賊不能支十月丁未吳世璠自殺其黨以城降  
雲南平奉

旨授鎮安將軍鎮守雲南與雲貴總督蔡毓榮酌定善  
後事宜二十四年奉

命旋京三十五年卒雍正六年馬奇第五子常賚任福  
建巡撫七年六月以罪繫獄八年十一月十四

日

世宗憲皇帝追念馬奇功績

特赦罪復其職補刑部侍郎復授鎮安將軍兼內大臣  
進征準噶爾現在軍前





